

*Proposy au. v. l. 12*  
43 Auant qu'auienne le changement d'empire,  
Il auiendra vn cas bien merueilleux,  
Le champ mué, le pilier de porphyre  
Mis, translaté sus le rochier noilleux.

*Quasi totus universus sed in diebus istis.*

44 En brief seront de retour sacrifices,  
Contreuenants seront mis à martyre:  
Plus ne seront moines abbés ne nouices:  
Le miel sera beaucoup plus cher que cire.

*Scismata*

45 Secteur de sectes grand preme au delateur:  
Beste en theatre, dressé le ieu scenique:  
Du faict antique ennobli l'inventeur,  
Par sectes monde confus & scismatique.

*Ignis calans in ff. l. 12. v. 12. m. 12.*

46 Tout aupres d'Aux, de Lectore & Mirande  
Grand feu du ciel en troys nuicts tumbera:  
Cause auiendra bien stupende & mirande:  
Bien peu apres la terre tremblera.

*Le lac Lemman desiré*

47 Du lac Lemman les sermons facheront:  
Des iours seront reduicts par les sepmaines,  
Puis mois, puis an, puis tous deffailliront,  
Les magistrats damneront leur loys vaines.

Vingt